

**Dr. Kemal Kačapor, vanredni profesor, predsjednik Komisije**

Univerzitet u Sarajevu – Ekonomski fakultet

Oblast: Menadžment i informacioni sistemi

**Dr. Nijaz Bajgorić, redovni profesor, član Komisije**

Univerzitet u Sarajevu – Ekonomski fakultet

Oblast: Razvoj poslovnih informacionih sistema

**Dr. Lejla Turulja, redovni profesor, član Komisije**

Univerzitet u Sarajevu – Ekonomski fakultet

Oblast: Menadžment i informacioni sistemi

**UNIVERZITET U SARAJEVU**  
EKONOMSKI FAKULTET

Broj akta: 02-2685/25

Datum: 26. 5. 2025.

### **VIJEĆU UNIVERZITETA U SARAJEVU – EKONOMSKOG FAKULTETA**

Na osnovu člana 69., 123. i 176. Zakona o visokom obrazovanju Kantona Sarajevo („Službene novine Kantona Sarajevo, broj 36/22), člana 111., 236. i 294. Statuta Univerziteta u Sarajevu, prijedloga Odluke Vijeća Univerziteta u Sarajevu – Ekonomskog fakulteta od 05.03.2025. godine, Odluke Senata Univerziteta u Sarajevu broj: 01-3-15/25 od 26.03.2025. godine i Odluke Vijeća Univerziteta u Sarajevu – Ekonomskog fakulteta broj 02-2392/25 od 12.05.2025. godine imenovani smo za članove Komisije za pripremanje prijedloga za izbor dva saradnika u zvanju viši asistent, puno radno vrijeme, na oblast „Menadžment i informacioni sistemi“ na Univerzitetu u Sarajevu – Ekonomskom fakultetu.

Prema Potvrdi o blagovremenosti Službe za pravne poslove broj 07-6-1959/25 od 17.04.2025. godine na predmetni konkurs koji je objavljen 02.04.2025. godine u dnevnom listu Dnevni avaz, na web stranicama Univerziteta u Sarajevu - Ekonomskog fakulteta i Univerziteta u Sarajevu, prijavila su se dva kandidata:

1. Kuloglija Emina, MA i
2. Veselinović Tihomir, MA

Komisija za pripremanje prijedloga i izvještaja za izbor dva saradnika u zvanje viši asistent, puno radno vrijeme, na oblast „Menadžment i informacioni sistemi“ na Univerzitetu u Sarajevu – Ekonomskom fakultetu održala je konstituirajuću sjednicu 26. 05. 2025. godine.

Sjednici su prisustvovali:

1. prof. dr Kemal Kačapor, vanredni profesor Univerziteta u Sarajevu – Ekonomskog fakulteta, predsjednik komisije
2. prof. dr Nijaz Bajgorić, redovni profesor Univerziteta u Sarajevu – Ekonomskog fakulteta, član komisije
3. prof. dr Lejla Turulja, redovni profesor Univerziteta u Sarajevu – Ekonomskog fakulteta, član komisije
4. Amina Zubčević Krešić, dipl. iur., šef Službe za pravne poslove, ispred stručne službe Fakulteta.

Prema Potvrdi rukovodioca Službe za pravne poslove broj 07-6-1959/25 od 25. 04. 2025. godine (g-đa Amina Zubčević Krešić, dipl. iur.) prijave sa priložima kandidata Kuloglija Emine i Veselinović Tihomira su potpune u skladu sa uslovima određenim Konkursom od 02. 04. 2025. godine.

Na osnovu priložene dokumentacije može se ocijeniti naučna i stručna aktivnost kandidata.

Pri pregledu prijave i dostavljene odnosno priložene dokumentacije za evaluaciju kandidata, Komisija se vodila odredbama Zakona o visokom obrazovanju Kantona Sarajevo („Službene novine Kantona Sarajevo“ br. 33/17, 35/20, 40/20 i 39/21) u vezi sa članom 176. stav (1) i (2) Zakona o visokom obrazovanju Kantona Sarajevo („Službene novine Kantona Sarajevo“ br.36/22) i članom 294 Statuta Univerziteta u Sarajevu.

Na osnovu pregleda Prijave i priložene dokumentacije, ocjene naučno-istraživačkih radova, pedagoške i profesionalne aktivnosti prijavljenih kandidata, Komisija podnosi Vijeću Univerziteta u Sarajevu - Ekonomskog fakulteta sljedeći

## **IZVJEŠTAJ**

### **1. EMINA KULOGLIJA, MA**

#### **Biografski podaci kandidatkinje**

Kandidatkinja Emina Kuloglija, rođena je u Nagyatadu, Mađarska 1995. godine. Živi u Sarajevu, gdje je završila osnovno i srednje obrazovanje. Srednju školu završila je 2014. godine, nakon čega je upisala prvi ciklus studija na Ekonomskom fakultetu Univerziteta u

Sarajevu, odsjek za menadžment, smjer Menadžment i informacione tehnologije, koji je okončala 2017. godine s prosječnom ocjenom 8,86. Iste godine nastavila je obrazovanje na drugom ciklusu studija na istoj instituciji, na istom odsjeku i smjeru, koji je završila 2021. godine, odbranivši završni rad pod nazivom „Utjecaj informacionih tehnologija na Enterprise Risk Management“ s prosječnom ocjenom 9,64. U 2023. godini upisala je doktorski studij na Ekonomskom fakultetu Univerziteta u Sarajevu.

Tokom prvog i drugog ciklusa studija, kandidatkinja je bila angažovana kao DL operater na Ekonomskom fakultetu Univerziteta u Sarajevu. U akademskoj 2017/2018. godini uvrštena je na Dekanovu listu za izvanredan akademski uspjeh. Njen istraživački rad nagrađen je priznanjem za najbolji studentski rad na međunarodnoj konferenciji ICOS2019, održanoj 2019. godine. Paralelno sa akademskim angažmanom, kandidatkinja je kontinuirano razvijala svoje vještine u oblasti informacionih tehnologija, sa fokusom na poslovnu analitiku, sigurnost, baze podataka, vještačku inteligenciju i Power Platforms, što potvrđuju i relevantni Microsoft certifikati iz ovih oblasti.

Kandidatkinja je zaposlena na Ekonomskom fakultetu Univerziteta u Sarajevu, gdje od aprila 2022. godine učestvuje u izvođenju vježbi iz oblasti menadžment i informacioni sistemi na bosanskom i engleskom jeziku. Prije trenutnog angažmana, radila je u međunarodnim kompanijama iz oblasti energetike, prodaje i profesionalne edukacije, gdje je stekla vrijedno iskustvo u poslovnoj analitici, podršci prodaji, upravljanju projektima i analizi tržišnih i prodajnih podataka. Pored toga, bila je uključena u optimizaciju internih procesa, kao i u komunikaciju i održavanje odnosa sa klijentima, poslovnim partnerima i drugim interesnim stranama.

Pored navedenog, kandidatkinja posjeduje izražene IT vještine, sa naprednim znanjem rada u MS Office paketu, te korištenju alata kao što su Power BI, WordPress, SPSS, STATA i SmartPLS. Aktivno koristi engleski, njemački i turski jezik.

#### **Naučno-istraživački rad**

Kandidatkinja Emina Kuloglija se aktivno bavi i naučnim istraživanjima, autorskim/koautorskim doprinosom u izradi knjiga, naučnih i stručnih radova, radom na naučno-istraživačkim projektima, te učešćem na konferencijama, što je dato u pregledu u nastavku:

1. Selimović, A., Kačapor, K., Veselinović, T., & Kuloglija, E. (2025) Generation Z and Entrepreneurship: The Synergy of Education and the Digital Environment. [Abstract accepted for presentation]. *17th International Conference on Education and New Learning Technologies (EDULEARN25)*
2. Komić, M., Kačapor, K., Veselinović, T., & Kuloglija, E. (2025) Education in the Digital Age: Challenges and Opportunities of Online Learning. [Abstract accepted for presentation]. *17th International Conference on Education and New Learning Technologies (EDULEARN25)*
3. Jahić, H., Hadžiahmetović-Milišić, N., Dedović, L., & Kuloglija, E. (2024). Diagnosing the Issue: Understanding and Combating Medical Brain Drain in Bosnia and Herzegovina. *Naše gospodarstvo/Our economy*, 70 (2), pp.12-23.
4. Balić, A., Turulja, L., Kuloglija, E., & Pejić-Bach, M. (2022). ERP Quality and the Organizational Performance: Technical Characteristics vs. Information and Service. *Information*, 13(10), 474.

#### **Nastavno-pedagoški rad**

Kandidatkinja Emina Kuloglija trenutno radi kao asistentica na Ekonomskom fakultetu Univerziteta u Sarajevu, gdje od aprila 2022. godine učestvuje u izvođenju vježbi iz oblasti menadžment i informacioni sistemi na bosanskom i engleskom jeziku. U okviru svog angažmana predaje brojne predmete, uključujući Poslovnu informatiku, Menadžment informacionih sistema, Digitalnu transformaciju i e-business, Sistemi za podršku odlučivanju, te Business Informatics, Management Information Systems i Business Systems Analysis. Kandidatkinja svoje iskustvo u visokom obrazovanju potvrđuje aktivnim doprinosom obrazovanju studenata kroz integraciju teorijskih znanja i praktičnih vještina, te kreiranjem nastavnih materijala na oba jezika.

U okviru razvoja nastavničkih kompetencija, kandidatkinja je uspješno završila programe *Training and Research for Academic Newcomers* i *DigiEdu* koje je organizovao Univerzitet u Sarajevu. Kroz ove programe, unaprijedila je pedagoške i istraživačke kompetencije, s fokusom na savremene metode podučavanja, dizajn kurikuluma, definisanje i evaluaciju ishoda učenja, te razvoj interaktivnog, inkluzivnog i vizuelno privlačnog nastavnog sadržaja. Obuke su obuhvatile i primjenu tehnologija za podršku učenju, kao i upravljanje nastavom i predavanjima u savremenom obrazovnom okruženju.

## 2. TIHOMIR VESELINOVIĆ, MA

### Biografski podaci kandidata

Kandidat Tihomir Veselinović rođen je u Zenici 1980. godine. Nastanjen je u Sarajevu. Osnovno i srednje obrazovanje stekao je u Zavidovićima, a visoko obrazovanje nastavio je na Ekonomskom fakultetu Univerziteta u Sarajevu, gdje je uspješno završio prvi i drugi ciklus studija. Tokom studija stekao je znanja i vještine iz oblasti menadžmenta, informacionih tehnologija, poslovne analitike i upravljanja IT projektima, sa posebnim fokusom na primjenu informacionih sistema u savremenom poslovanju i odlučivanju. Završni rad na drugom ciklusu studija je uspješno odbranio 2021. godine na temu "Primjena novih informaciono-komunikacionih tehnologija u visokoškolskim ustanovama za vrijeme pandemije COVID-19". U 2022. godini upisao je doktorski studij na Ekonomskom fakultetu Univerziteta u Sarajevu.

Kandidat je zaposlen na Ekonomskom fakultetu Univerziteta u Sarajevu, gdje od aprila 2022. godine učestvuje u izvođenju vježbi iz oblasti menadžment i informacioni sistemi. Pored trenutnog angažmana, kandidat posjeduje bogato i raznovrsno radno iskustvo u oblastima razvoja i održavanja informacionih sistema, digitalizacije, poslovne analitike, e-učenja i implementacije naprednih IT rješenja. Dugogodišnje iskustvo u IT oblasti stekao je kao rukovodilac službe za razvoj i održavanje informacionih sistema, gdje je bio odgovoran za planiranje, razvoj i unapređenje informacionih sistema u obrazovnom i poslovnom okruženju. Pored toga, bio je angažovan na poslovima dizajniranja i implementacije informacionih sistema u obrazovnim, finansijskim, javnim i međunarodnim organizacijama, kao i na projektima digitalne transformacije, unapređenja procesa i razvoja e-learning platformi. Njegovo iskustvo obuhvata upravljanje kompleksnim projektima, analizu poslovnih procesa, sistemsku arhitekturu, razvoj i administraciju baza podataka, sigurnost informacionih sistema, te podršku procesima obrazovanja, istraživanja i upravljanja podacima. Dodatno, stekao je značajno iskustvo u savjetovanju i edukaciji iz oblasti informacionih tehnologija i digitalne transformacije.

Pored navedenog, kandidat posjeduje napredno znanje i iskustvo rada sa operativnim sistemima, uključujući Microsoft Windows, MAC OS, Microsoft Windows Server i LINUX. Također je radio u okruženjima za online učenje i virtualnu komunikaciju, kao što su Moodle LMS, Big Blue Button i VMware, što potvrđuje njegovo iskustvo u implementaciji i održavanju kompleksnih IT rješenja. U oblasti programiranja i rada sa bazama podataka, koristi programske jezike i alate kao što su HTML, PHP, C++, C#, Visual Basic, Delphi i Python.

Posjeduje vještine za rad sa različitim bazama podataka, uključujući Oracle, MS SQL, MySQL, PostgreSQL i MS Access. Također, posjeduje kompetencije u radu sa alatima za poslovnu analitiku i izvještavanje, kao što su SPSS i STATA. Pored tehničkih vještina, aktivno koristi engleski jezik.

Kandidat posjeduje brojne industrijske certifikate iz oblasti informacionih tehnologija, poslovne analitike i upravljanja projektima. Stekao je Microsoft certifikate u oblastima mrežnih i serverskih sistema, baza podataka, sigurnosti, razvoja softvera, kao i certifikate za rad sa alatima Microsoft Office, uključujući status Microsoft Office Specialist Master. Dodatno, ovlašten je kao Information Technology Specialist za oblasti vještačke inteligencije, analitike podataka, baza podataka i Python programiranja, te posjeduje Microsoft Certified certifikat iz oblasti sigurnosti, usklađenosti i upravljanja identitetima. Pored toga, posjeduje PMI Project Management Ready certifikat iz oblasti upravljanja projektima.

#### **Naučno-istraživački rad**

Kandidat Tihomir Veselinović se aktivno bavi i naučnim istraživanjima što ilustrujemo autorskim/koautorskim doprinosom u izradi knjiga, naučnih i stručnih radova, radom na naučno-istraživačkim projektima, te učestvujem na konferencijama, kao što slijedi u nastavku:

1. Selimović, A., Kačapor, K., Veselinović, T., & Kuloglija, E. (2025) Generation Z and Entrepreneurship: The Synergy of Education and the Digital Environment. [Abstract accepted for presentation]. *17th International Conference on Education and New Learning Technologies (EDULEARN25)*
2. Komić, M., Kačapor, K., Veselinović, T., & Kuloglija, E. (2025) Education in the Digital Age: Challenges and Opportunities of Online Learning. [Abstract accepted for presentation]. *17th International Conference on Education and New Learning Technologies (EDULEARN25)*
3. Kacapor K., Veselinovic T. (2024) From Assessment to Action: Empowering SMEs for Digital Growth, *EDULEARN24 Proceedings*, pp. 10604-10609.
4. Kacapor K., Veselinovic T. (2024) Bridging the Gap: Assessing Digital Maturity in Healthcare Institutions, *EDULEARN24 Proceedings*, pp. 10597-10603.
5. Kacapor K., Halilovic B., Veselinović T. (2022) Analysis of Technology Acceptance by Students with Emphasis on Exams in the Online Environment, *INTED2022 Proceedings*, pp. 10519-10527.

6. Veselinović T., Kacapor K., Veselinovic Lj. (2022) Synchronous Virtual Classrooms Usage Scenarios in Higher Education, *INTED2022 Proceedings*, pp. 10528-10532.

### **Nastavno-pedagoški rad**

Kandidat Tihomir Veselinović trenutno radi kao asistent na Ekonomskom fakultetu Univerziteta u Sarajevu, gdje od aprila 2022. godine učestvuje u izvođenju vježbi iz oblasti menadžment i informacioni sistemi na bosanskom jeziku. U okviru svog angažmana drži vježbe na brojnim predmetima, uključujući Analizu i dizajn informacionih sistema, Analizu poslovnih procesa, Poslovnu inteligenciju, Poslovne informacione sisteme, Poslovnu primjenu računarskih mreža i telekomunikacija, Sistemsku i mrežnu administraciju, E-government, Baze podataka, Osnove programiranja, Telekomunikacijski menadžment, Poslovnu informatiku i IT alate za poslovnu analizu. Kandidat svoje iskustvo u visokom obrazovanju potvrđuje aktivnim doprinosom obrazovanju studenata kroz integraciju teorijskih znanja i praktičnih vještina, te kreiranjem nastavnih materijala.

U okviru razvoja nastavničkih kompetencija, kandidat je uspješno završio program *Training and Research for Academic Newcomers* koji je organizovao Univerzitet u Sarajevu. Kandidat je u okviru ovog programa unaprijedio svoje pedagoške i istraživačke kompetencije, sa fokusom na savremene metode podučavanja, dizajn kurikuluma, definisanje i evaluaciju ishoda učenja, te razvoj interaktivnog, inkluzivnog i vizuelno privlačnog nastavnog sadržaja. Obuke su dodatno obuhvatile primjenu tehnologija za podršku učenju, kao i upravljanje nastavom i predavanjima u savremenom obrazovnom okruženju.

### **PRIJEDLOG KOMISIJE SA OBRAZLOŽENJEM**

Uvidom u dokumentaciju koju su kandidati Emina Kuloglija i Tihomir Veselinović dostavili uz prijavu na Konkurs, Komisija konstatuje:

- Kandidati su uz prijavu priložili sve potrebne dokumente za izbor u zvanje višeg asistenta u skladu sa uslovima utvrđenim Konkursom od 02.04.2025. godine.
- Kandidati ispunjavaju sve uslove za izbor saradnika u zvanje viši asistent na oblast „Menadžment i informacioni sistemi“ u skladu sa odredbama Zakona o visokom obrazovanju („Službene novine Kantona Sarajevo“ broj 33/17, 35/20, 40/20 i 39/21“) što je završen stepen drugog ciklusa studija sa najnižom prosječnom ocjenom i na prvom i na drugom ciklusu studija 8 ili 3,5, proveden period u zvanju asistenta

minimalno dvije godine uz stalni angažman na Ekonomskom fakultetu, objavili po najmanje dva naučna rada iz oblasti na koju se bira u priznatim publikacijama koje se nalaze u relevantnim naučnim bazama podataka kao i upisali treći ciklus studija i uspješno izvršili sve svoje obaveze i položili sve ispite sa prve godine ovog studija.

Pored prethodno navedenih formalnih uslova ispunjavanja Konkursa članovi Komisije ističu da kandidati Emina Kuloglija i Tihomir Veselinović imaju višegodišnje iskustvo kao asistenti na Katedri za menadžment i informacione tehnologije. Pored toga, kandidati su u okviru svojih naučnih i stručnih publikacija analizirali različita značajna pitanja iz oblasti „Menadžment i informacioni sistemi“. Također, kandidati posjeduju relevantne certifikate iz oblasti kojom se profesionalno bave, čime dodatno potvrđuju svoju stručnost i kompetencije u predmetnoj oblasti.

Na osnovu svega navedenog Komisija konstatuje i jedinstvena je u stavu da kandidati Emina Kuloglija i Tihomir Veselinović ispunjavaju uslove utvrđene članom 96. Zakona o visokom obrazovanju Kantona Sarajevo („Službene novine Kantona Sarajevo“ broj 33/17, 35/20, 40/20 i 39/21) i Statuta Univerziteta u Sarajevu za izbor u zvanje viši asistent na oblast „Menadžment i informacioni sistemi“, u punom radnom vremenu. Stoga, Komisija predlaže Vijeću Univerziteta u Sarajevu – Ekonomskog fakulteta da kandidate

#### KULOGLIJA EMINU i VESELINOVIĆ TIHOMIRA

izaberu u zvanje VIŠI ASISTENT na oblast MENADŽMENT I INFORMACIONI SISTEMI sa punim radnim vremenom.

Sarajevo, 26. 05. 2025. godine

Komisija

1. ~~prof. dr Kemal Kačapor~~, vanredni profesor – predsjednik Komisije
2. ~~prof. dr Nijaž Bajgorić~~, redovni profesor – član Komisije
3. prof. dr Lejla Turulja, redovna profesorica – članica Komisije



## Ekonomski fakultet

### SAGLASNOST

#### za sudjelovanje u radu Komisije za pripremanje prijedloga za izbor saradnika

Na osnovu člana 123. i 176. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22) i člana 236. i 294. Statuta Univerziteta u Sarajevu, dajem svoju saglasnost za sudjelovanje u radu Komisije za pripremanje prijedloga za izbor 2 saradnika u zvanju viši asistent na oblast Menadžment i informacioni sistemi po raspisanom Konkursu koji je objavljen u dnevnim novinama „Dnevni avaz“ i web-stranici Univerziteta u Sarajevu – Ekonomskog fakulteta i Univerziteta u Sarajevu, dana 02. aprila 2025. godine

1. Dr. Kemal Kačapor, \_\_\_\_\_  
vanredni profesor Univerziteta u Sarajevu – Ekonomskog fakulteta, oblast Menadžment i informacioni sistemi, predsjednik
2. Dr. Nijaz Bajgorić, \_\_\_\_\_  
redovni profesor Univerziteta u Sarajevu – Ekonomskog fakulteta, oblast Razvoj poslovnih informacijskih sistema, član
3. Dr. Lejla Turulja, \_\_\_\_\_  
redovni profesor Univerziteta u Sarajevu – Ekonomskog fakulteta, oblast Menadžment i informacioni sistemi, član



## Ekonomski fakultet

Broj: 07-6-2658/25  
Sarajevo, 25.04.2025. godine

Na osnovu člana 256. Statuta Univerziteta u Sarajevu šef Službe za pravne poslove, donio je

### POTVRDU

Prijava sa priložima mr. Kuloglija Emine i prijava sa priložima mr. Veselinović Tihomira, na Konkurs objavljen dana 02.04.2025. godine u dnevnom listu „Dnevni avaz“, Web-stranicama Ekonomskog fakulteta i Univerziteta u Sarajevu, za izbor akademskog osoblja u naučnonastavno zvanje, oblast Menadžment i informacioni sistemi, 2 saradnika u zvanju viši asistent, puno radno vrijeme su potpune (uredne) sa uslovima utvrđenim Konkursom.

Zvanje za koje se kandidati prijavljuju je viši asistent.

Ova pisana Potvrda se dostavlja predsjedniku Komisije i predstavlja sastavni dio Izvještaja Komisije.

Šef Službe za pravne poslove

Zućević Krešić Amina, dipl.iur.



Dostaviti:

- Komisija
- Služba za pravne poslove
- a/a

Trg oslobođenja – Alija Izetbegović 1, 71000 Sarajevo, Bosna i Hercegovina, Tel: +387 33 275 900, Fax: +387 33 275 963  
ID 4200494560236; PDV 200494560007

[www.efsa.unsa.ba](http://www.efsa.unsa.ba)



EFMD, BACHELOR